

Bana

Sł. E. Pryczkowski, muz. T. Fopke

Jaż z nordowi Kaszëb dôle,
Òd miasta Héle,
Pòczątk banowi je sztrecki
Na rodné sztëczy.

Na Wies Wiôlgą czerënk bierze
Z òbùch strón mòrze,
Dwasta lëdzy jedze w banie
Wnet w Pùckù stanie.

Dali nêkô, że jaż szëmi
Kòl Rédë, Rëmi
W dwóch kaszëbskich królów miesce
Mieniã sã gòsce.

Réza przez zukòwsczé grodë
Piäkny ùrodë,
Wnetka kòl Wieżëcë sënie
Co dalek slënie.

Kłóniô sã Pirsneńskô głowa
Skąd méstra słowa
Remùs niósł z Trąbą wespòle
Z Bòłtu pò Wiele.

Tej w Remùsa bana Lëpnie
I w Brusach czëpnie,
Bë wnetka stanąc na wasze
Przë brómie Kaszëb.